

Firmamento di contrato pa digitalisacion entre Setar y APT



ORANJESTAD (AAN)- Ayer mainta Minister di Transporte y Telecomunicacion sr. E. Nicolaas a presencia firmamento di e contrato pa digitalisacion entre SETAR y e compania Hulandes APT. Minister Nicolas den su discurso a expresa elogio na Setar cu a

demonstra di ta tene cuenta cu diferente utilidadnan cu e pueblo tin mester door di a planea pa futuro den transcurso di su añanan servicial.

Enfatisando e ultimo aki e mandatario a bisa lo siguiente: Setar ta un compania cu sin modernisacion constante ta imposibel

pa keda al paso cu e desaroyonan mundial. Ademas a menciona e procedura cu a culmina den firmamento di e contrato aki. Ta asina cu gobierno a pone padilanti cu lo no honra e sistema di solamente ariba invitacion tuma un compania cu ta bay instala.

Cuatro compania a inscribi pa e trabao, cual bestek a worde traha door di tecniconan di Setar cu yudanza di tecniconan di Nepostel. Despues a laga tur e ofertanan drenta cerca notario Croes, ademas nan a worde evalua door di expertonan ariba tereno financiero, economico externo y interno di Setar, esta accountantnan registra y e jurista di Setar hunto cu otro tecniconan. Cada oferta a worde evalua ariba su meritonan tecnico. Por ultimo a envolvi juristanan gubernamental, departamento di Finanzas pa obtene e consehonan necesario, cualnan tabata positivo y a presenta henter e evaluacion den consoho di Ministro.

Finalmente Ministro Nicolaas a expresa palabranan di felicitacion na e pueblo Arubano cu un red telefonico moderno cu ta al paso cu e tecnologia cu ta cambiando constantemente. E contrato aki lo garantiza Aruba den e proximo 10 pa 20 aña un red di telefon optimo. E cantidad di centralnan di telefon entrega den diferente fase, cu na momento di efectua e trabaoonan necesario por causa algun inconveniencia pa e publico.

E proyecto di digitalisacion ta encera: digitalisacion total di centralnan, kabel fiberoptic, ISDN y expansion di henter e infraestructura di e red telefonico.

Ing. Herman Richardson, Director interino di Setar despues di a firma e contrato a splica cu debi na expansion di e

jambarnan di hotel, Setar a dicidi di bin cu un plan integral pa henter Aruba.

"Nos a traha un plan cu lo bay subastese Aruba pa 10 aña cu telefoon, caminda cu cada aña lo por duna suficiente telefoon, saliendo for di e punto di bista cu cada edificio y hogar Arubano lo mester tin por lo menos un telefoon. Tambe pa percura cu lo tin mas capacidad, por ehemplo lo tin algo cu ta yama ISDN cu lo haci posibel pa mas o menos aña 1992 cu comerciante of hotelero simultaneamente por manda fax, telex, video y telefoon ariba e mesun linea", asina Ing. Richardson a bisa.

Sr. Boy Escalona den nomber di Raad van Bestuur di Setar, como presidente a expresa palabranan di felicitacion na e directiva di Setar cu a anticipa e necesidad pa amplia y modernisa e sistema di telecomunicacion y tambe pa e hopi trabao cu por a observa cu ta worde haci cual a culmina awe den firmamento di e contrato cu APT.

APT ta un compania cu a efectua hopi proyecto grandi ariba tereno di telecomunicacion satisfactoriamente. Aña pasa den luna di December a word inaugura y esey tambe ta duna e pleno confianza cu e proyecto aki ta den bon man.

Sr. Escalona a expresa tambe palabranan di gratitud na Ministro E. Nicolaas, kende a sigui e desaroyo aki di acerca cu awe finalmente a culmina den firmamento di e contrato.

Amc. Unicon

TOMATENSTRAAT z/n

20% CASH & CARRY

**SANITARIO
Sphinx**



MIHOR CALIDAD · MIHOR SERVICIO · MIHOR PRIJS



CONSULADO DE PORTUGAL EM ARUBA

Convida a Comunidade Portuguesa em geral a assistir a uma reuniao por motivos da visita do Secretario de Estado para as Comunidades Portuguesas, o Exmo. Sr. Manuel Filipe Correia de Jesus, no **Domingo 11 de Março as 7:30 da noite** no Clube Primavera.

A consul,
Benvinda M. Vingerhoedt-de Sousa.

TA BENDE UN CAS

na Sabana Blancoe, di 3 camber, 1 apartamento, garage pa 2 auto, sala, comedor, porch, cushina y 1 bano.
Pa mas informacion yama 23747 / 24203

DIARIO
22207 - 26747 35026